

# FOTOBLAD: WATERGAT AJV

## 16 - 17 AUGUSTUS 2019

Almal het met groot opgewondenheid reggemaak vir ons Algemene Jaarvergadering naweek.

Dit is altyd een van die hoogtepunte van die naweek. Ons verwag ook baie lekker weer vir die naweek – wat dit net nog meer spesiaal maak.

Vrydag-aand is afgeskop met 'n pragtige volmaan wat so oor die koppe sy verskynning gemaak het.



Die bietjie mistigheid in die aand – laat dit net nog mooier lyk en die volgendeoggend – was dit sommer toe onder die mis. Baie mooi.



Vroeg-aand het die vure al lekker hoog gebrand!





Saterdag-oggend het ons vertrek na Kirabo-kelder vir ons AJV vergadering.

Onder is ons vergadering aan die gang – en Greg Albrecht – ons uittredende voorsitter is aan die woorde.

Dwayne en Esmé Coetzee het ook die oggend vir ons kom kuier en die vergadering saam met ons bygewoon.



Marius vd Mescht neem amptelik oor as voorsitter vanaf Greg. Alle sterkte en voorspoed word hom toegewens!

## Noord-Boland Bestuur: 2020



Magda Liebenberg: Sekretaresse

Rina Veldtman, Hannes Schlechter, Pieter Grove, Louise & Wouter De Wet, Marius vd Mescht  
Skakelbeampte, Senior verteenwoordiger, Onder-voorsitter, Finansies & Algemeen, Voorsitter

Baie hartlik geluk aan Noord-Boland se nuwe bestuur vir 2020! Mag dit 'n wonderlike jaar wees vir julle – met baie lekker kampe en baie nuwe belewenisse gedurende die nuwe jaar! Alle voorspoed word jul toegewens!  
(Inlasfoto van Rina Veldtman – wat ongelukkig nie hierdie kamp kon bywoon nie en Magda Liebenberg – wat tans nog aansterk na 'n rugoperasie – alle sterkte vir jou pad van herstel)

Baie dankie aan die uittredende bestuur van 2019! Julle harde werk en al die reëlings vir die kampe word waardeer!

Die volgende toekennings is oorhandig:



Alma & Marius vd Mescht kry: 100 % bywoning en 125 saamtrekke



Hannes Schlechter:  
Baie Geluk! Streek Meriete



Na die vergadering verby is het ons heerlike sop en broodjies geniet. Kirabo kelder het ook vir ons 'n interessante praatjie aangebied met 'n "rooiwyn" en "cupcake" pairing wat hulle doen. Iets uniek en baie lekker!





Die middag het ons lekker ontspan by die pragtige stil en rustige kampterrein langs die water.



Vroegmiddag is daar al begin met die potte!  
Ons het besluit om weer almal se gunsteling te doen ~ en dit is "pik-en-proe" potjies. Daar was 4 potte gemaak en dan proe jy bietjie van elkeen – dit is baie lekker en almal geniet dit baie!



Fred by sy en Johan se Kerrie-chuck pot – met sy wit wol-kep uit die VSA :-)  
En Marius en Alma met hulle hoender potjie aan die gang.





Dan was daar nog Hannes met sy hoenderpot en Winnie & Pieter het gehelp met groente bydraes oral en Huibre help ook by die hoenderpot. Mike en Greg hulle het 'n heerlike skenkelpotjie gemaak. Marietjie Theron het vir ons lekker nagereg gesorg! Wat 'n span! Dankie Almal!





TOT VOLGENDE KEER ....

**Veilig sleep!**

Fotoblad saamgestel deur:

*Corrie Schmiedeskamp*

Sondagoggend het ons erediens gehou – waarna ons lekker saamgekuier het en toe tee en koek geniet het – die tradisionele manier om 'n Sondagoggend af te sluit op 'n naweek.

En so het nog 'n heerlike naweek tot 'n end gekom!